

Psalmus 66

Deus misereatur nostri, et benedicat nobis: * illuminet vultum suum super nos, et misereatur nostri.

Ut cognoscamus in terra viam tuam: * in omnibus gentibus salutarem tuum.

Confiteantur tibi populi, Deus: * confiteantur tibi populi omnes.

Lætentur, et exultent gentes: * quoniam judicas populos in æquitate, et gentes in terra dirigis.

Confiteantur tibi populi, Deus, confiteantur tibi populi omnes: * terra dedit fructum suum.

Benedicat nos Deus, Deus noster, benedicat nos Deus: * et metuant eum omnes fines terræ.

Gloria Patri, etc. Sicut erat, etc.

Psalmus 69

Deus in adjutorium meum intende: * Domine, ad adjuvandum me festina.

Confundantur, et revereantur, * qui quærunt animam meam.

Avertantur retrorsum, et erubescant, * qui volunt mihi mala.

Avertantur statim erubescentes, * qui dicunt mihi: Euge: euge.

Exultent, et lætentur in te omnes, qui quærunt te: * et dicant semper: Magnificetur Dominus, qui diligunt salutare tuum.

Ego vero egenus, et pauper sum: * Deus, adjuva me.

Adjutor meus et liberator meus es tu: * Domine, ne moreris.

Gloria Patri, etc. Sicut erat, etc.

Psalmus 85

Inclina, Domine, aurem tuam, et exaudi me: * quoniam inops et pauper sum ego.

Custodi animam meam quoniam sanctus sum: *

salvum fac servum tuum, Deus meus, sperantem in te.

Miserere mei, Domine, quoniam ad te clamavi tota die: * lætifica animam servi tui, quoniam ad te. Domine, animam meam levavi.

Quoniam tu, Domine, suavis et mitis: * et multæ misericordiae omnibus invocantibus te.

Auribus percipe, Domine, orationem meam: * et intende voci deprecationis meæ.

In die tribulationis meæ clamavi ad te: * quia exaudisti me.

Non es similis tui in diis, Domine: * et non est secundum opera tua.

Omnies gentes quascumque fecisti, venient; et adorabunt coram te. Domine; * et glorificabunt Nomen tuum.

Quoniam magnus es tu, et faciens mirabilia: * tu es Deus solus.

Deduc me, Domine, in via tua, et ingrediar in veritatem tua: * lætetur cor meum, ut timeat Nomen tuum.

Confitebor tibi, Domine Deus meus, in toto corde meo: * et glorificabo Nomen tuum in æternum.

Quia misericordia tua magna est super me: * et eruisti animam meam ex inferno inferiori.

Deus, iniqui insurrexerunt super me, et synagoga potentium quæsierunt animam meam: * et non proposuerunt te in conspectu suo.

Et tu, Domine, Deus miserator, et misericors: * patiens et multæ misericordiae, et verax.

Respic in me, et miserere mei: * da imperium tuum pueru tuo, et salvum fac filium ancillæ tuæ.

Fac mecum signum in bonum, ut videant qui oderunt me, et confundantur: * quoniam tu, Domine, adjuvisti me, et consolatus es me.

Gloria Patri, etc. Sicut erat, etc.

Postremo dicitur Psalmus De profundis, etc. 194.

Expletis Psalmis, surgit Pontifex, et stans cum mitra, benedicit sal et aquam, dicens . Adjutorium nostrum, etc., prout habetur, pag. 238 et continuans usque ad Orationem: Deus qui ad salutem humani generis, etc., inclusive.

Qua dicta, Pontifex adhuc sine mitra stans, dicit absolute sequentem Orationem.

Bene ✕ dic, Domine, hanc aquam benedictione cœlesti et assistat super eam virtus Spiritus Sancti: ut cum hoc vasculum ad invitandos filios sanctæ Ecclesiæ præparatum, in ea fuerit tinctum, ubique sonuerit hoc tintinnabulum, procul recedat virtus insidiantium, umbra phantasmatum, incurso turbinum, percussio fulminum, læsio tonitruorum, calamitas tempestatum, omnisque spiritus procellarum: et cum clangorem illius audierint filii Christianorum, crescat in eis devotionis argumentum, ut festinantes ad pie matris Ecclesiæ gremium, cantent tibi in Ecclesia Sanctorum canticum novum, deferentes in sono præconium tubæ, modulationem psalterii, suavitatem organi, exultationem tympani, jucunditatem cymbali; quatenus in templo sancto gloriae tuæ suis obsequiis et precibus invitare valeant multitudinem exercitus Angelorum. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus Sancti Deus per omnia sæcula sæculorum. R. Amen.

Post hæc, Pontifex mittit sal in aquam in modum crucis, dicendo semel:

Commixtio salis, et aquæ pariter fiat. In nomine Patris et Fili, et Spiritus Sancti. R. Amen.
V. Dominus vobiscum. R. Et cum spiritu tuo.

OREMUS

Deus, invictæ virtutis auctor, et insuperabilis imperii rex, ac semper magnificus triumphator, qui adversæ dominationis vires reprimis, qui inimici rugientis sævitiam superas, qui hostiles nequicias potenter expugnas; te Domine, trementes et supplices deprecamur, ac petimus; ut hanc creaturam salis et aquæ dignanter aspicias, benignus illustres, pietatis tuæ rore sanctifices, ut ubicumque fuerit aspersa, per invocationem sancti tui Nominis omnis infestatio immundi spiritus abigatur, terrorque venenosæ serpentis procul pellatur; et præsentia

Sancti Spiritus nobis misericordiam tuam poscentibus ubique adesse dignetur. Per Dominum Nostrum Jesum Christum Filium tuum, qui tecum vivit et regnat in unitate ejusdem Spiritus Sancti Deus per omnia sæcula sæculorum. R. Amen.

His peractis, Pontifex, accepta mitra, incipit lavare Campanam cum dicta aqua (1), et Ministri prosequuntur lotionem, lavantes eam totaliter intus et extra: deinde cum linteo mundo extergunt, Pontifex interim cum mitra sedente, et cum aliis Ministris diente Psalmum cum aliis sequentibus.

Psalmus 145

Lauda, anima mea, Dominum; laudabo Dominum in vita mea: * psallam Deo meo quamdiu fuero.

Nolite confidere in principibus: * in filiis hominum, in quibus non est salus.

Exibit spiritus ejus, et revertetur in terram suam: * in illa die peribunt omnes cogitationes eorum.

Beatus cuius Deus Jacob adjutor ejus: spes ejus in Domino Deo ipsis: * qui fecit cœlum et terram, mare, et omnia quæ in eis sunt.

Quis custodit veritatem in sæculum, facit iudicium injuriam patientibus: * dat escam esurientibus.

Dominus solvit compeditos, * Dominus illuminat cæcos.

Dominus erigit elisos: * Dominus diligit justos.

Dominus custodit advenas, pupillum, et viduam suscipiet: * et vias peccatorum disperdet.

Regnabit Dominus in sæcula, Deus tuus, Sion: * in generationem et generationem.

Gloria Patri, etc. Sicut erat, etc.

(1) Si plures campanæ simul benedicendæ sint, lotiones, unctiones faciendæ sunt supra singulas Campanas per modum unius, dum interea semel et pausatim recitantur aut cantantur Psalmi præscripti, et semel dicuntur Orationes plurali numero; thuribula seu focula aut vasa in quibus ardeat incensum, tot adhibenda sunt et supponenda quot sunt campanæ. S. R. C.
14 Aprilis 1885. Brixien.

Psalmus 146

Laudate Dominum, quoniam bonus est psalmus:
* Deo nostro sit jucunda, decoraque laudatio:
Edificans Jerusalem Dominus: * dispersiones
Israelis congregabit.
Qui sanat contritos corde: * et alligat contritio-
nes eorum.
Qui numerat multitudinem stellarum: * et omni-
bus eis nomine vocat.
Magnus Dominus noster, et magna virtus ejus:
* et sapientiae non est numerus.
Suscipiens mansuetus Dominus: * humilians
autem peccatores usque ad terram.
Præcinitte Domino in confessione: * psallite Deo
nstro in cithara.
Qui operit cœlum nubimus: * et parat terræ plu-
viam.
Qui producit in montibus fœnum: * et herbam
servituti hominum.
Qui dat jumentis escam ipsorum: * et pullis cor-
vorum invocantibus eum.
Non in fortitudine equi voluntatem habebit: *
nec in tibiis viri beneplacitum erit ei.
Beneplacitum est Domino super timentes eum: *
et in eis, qui sperant super misericordia ejus.
Gloria Patri, etc., Sicut erat, etc.

Psalmus 147

Lauda Jerusalem Dominum: * lauda Deum tuum
Sion.
Quoniam confortavit seras portarum tuarum: *
benedixit filiis tuis in te.
Qui posuit fines tuos pacem: * et adippe frumenti
satiat te.
Qui emittit eloquium suum terræ: * velociter cur-
rit sermo ejus.
Qui dat nivem sicut lanam: * nebulam sicut ci-
nerem spargit.
Mittit crystallum suam sicut buccellas: * ante fa-
ciem frigoris ejus, quis sustinebit?

Emittet verbum suum, et liquefaciet ea: * flabit
spiritus ejus, et fluent aquæ.

Qui annuntiat verbum suum Jacob: * justitias et
judicia sua Israel.

Non fecit taliter omni nationi: * et judicia sua
non manifestavit eis.

Gloria Patri, etc.

Psalmus 148

Laudate Dominum de cœlis: * laudate eum in ex-
celsis.

Laudate eum omnes Angeli ejus: * laudate eum
omnes virtutes ejus.

Laudate eum sol et luna: * laudate eum omnes
stellæ, et lumen.

Laudate eum cœli cœlorum: * et aquæ omnes,
quæ super cœlos sunt, laudent nomen Domini.

Quia ipse dixit, et facta sunt: * ipse mandavit et
creata sunt.

Statuit ea in æternum, et in sæculum sæculi: *
præceptum posuit, et non præteribit.

Laudate Dominum de terra: * dracones, et omnes
abyssi.

Ignis, grando; nix, glacies, spiritus procellarum:
* quæ faciunt verbum ejus.

Montes, et omnes colles: * ligna fructifera, et
omnes cedri.

Bestiæ, et universa pecora: * serpentes, et volu-
cres pennatae.

Reges terræ, et omnes populi: * principes, et om-
nes judices terræ.

Juvenes, et virginis, senes cum junioribus lau-
dent nomen Domini: * quia exaltatum est nomen
ejus solius.

Confessio ejus super cœlum et terram: * et exal-
tavit cornu populi sui.

Hymnus omnibus Sanctis ejus: * filiis Israel, po-
pulo appropinquanti sibi.

Sine Gloria Patri.

Psalmus 149

Cantate Domino canticum novum: * laus ejus in Ecclesia sanctorum.

Lætetur Israel in eo, qui fecit eum: * et filii Sion exultent in Rege suo.

Laudent nomen ejus in choro: * in tympano et psalterio psallant ei.

Quia beneplacitum est Domino in populo suo: * et exaltabit mansuetos in salutem.

Exultabunt sancti in gloria: * lætabuntur in cibilibus suis.

Exultationes Dei in gutture eorum: * et gladii ancipites in manibus eorum.

Ad faciendam vindictam in nationibus: * increpationes in populis.

Ad alligandos reges eorum in comedibus: * et nobiles eorum in manicis ferreis.

Ut faciant in eis judicium conscriptum: * gloria hæc est omnibus sanctis ejus.

Psalmus 150

Laudate Dominum in sanctis ejus: * laudate eum in firmamento virtutis ejus.

Laudate eum in virtutibus ejus: * laudate eum secundum multitudinem magnitudinis ejus.

Laudate eum in sono tubæ: * laudate eum in psalterio et cithara.

Laudate eum in tympano et choro: * laudate eum in cordis et organo.

Laudate eum in cymbalis benesonantibus: laudate eum in cymbalis jubilationis: * omnis spiritus laudet Dominum.

Gloria Patri, etc. Sicut erat in principio, etc.

Quibus finitis, surgit Pontifex cum mitra, et cum police dexteræ manus facit ad extra supra Campanam de Oleo sancto infirmorum signum Crucis: quo facto, deposita mitra, dicit:

OREMUS

Deus, qui per beatum Moysen legiferum famulum tuum, tubas argenteas fieri præcepisti, quibus dum Sacerdotes, tempore Sacrificii, clangerent, sonitus dulcedine, populus monitus, ad te adorandum fieret præparatus, et ad celebrandum sacrificia conveniret: quarum clangore hortatus ad bellum, molimina prosterneret adversantium: præsta, quæsumus; ut hoc vasculum sanctæ tuæ Ecclesiæ præparatum, sancti ~~X~~ficetur a Spiritu Sancto, ut per illius tactum Fideles invitentur ad præmium. Et cum melodia illius auribus insonuerit populorum, crescat in eis devotio fidei, procul pellantur omnes insidiæ inimici, fragor grandinum, procella turbinum, impetus tempestatum; temperentur infesta tonitrua, ventorum falabra fiant salubriter ac moderate suspensa; prosternat aereas potestates dextra tuae virtutis; ut hoc audientes tintinnabulum; contremiscunt, et fugiant ante sanctæ Crucis Filii tui in eo depictum vexillum, cui flectitur omne genu cœlestium, terrestrium, et infernorum, et omnis lingua confiteatur, quod ipse Dominus noster Jesus Christus, absorpta morte per patibulum Crucis, regnat in gloria Dei Patris, cum eodem Patre, et Spiritu Sancto, per omnia sæcula sæculorum.
R. Amen.

Pontifex, accepta mitra, extergit cum linteo mundo crucem a se factam. Deinde inchoat, schola prosequente, Antiphonam, ton. 8.

Vox Domini super aquas multas: Deus majestatis intonuit, Dominus super aquas multas.

Psalmus 28

Afferte Domino filii Dei: * afferte Domino filios arietum.

Afferte Domino gloriam, et honorem, afferte Domino gloriam, Nomi ejus: * adorate Dominum in atrio sancto ejus.

*Vox Domini super aquas, Deus majestatis intonuit: * Dominus super aquas multas.*

Vox Domini in virtute: * vox Domini in magnificientia.

Vox Domini confringentis cedros: * et confringet Dominus cedros Libani.

Et communiet eas tamquam vitulum Libani: * et dilectus quemadmodum filius unicornium.

Vox Domini intercidentis flammarum ignis: * vox Domini concutientis desertum; et commovebit Dominus desertum Cades.

Vox Domini præparantis cervos, et revelabit condensas: * et in templo ejus omnes dicent gloriam.

Dominus diluvium inhabitare facit: * et sedebit Dominus rex in æternum.

Dominus virtutem populo suo dabit: Dominus benedicet populo suo in pace.

Gloria Patri, etc. Sicut erat, etc.

Deinde repetitur *Antiphona*. Interim Pontifex cum mitra stans, facit cum pollice dexteræ manus de Oleo sancto infirmorum septem cruces exterius super Campanam (1), et intus cum Chrismate quatuor, pari distantia, dicens, dum quamlibet crucem facit:

Sancti ☧ fitetur et conse ☧ cretur, Domine, signum istud. In nomine Pa ☧ tris, et Fi ☧ lii, et Spiritus ☧ Santi. In honorem sancti N. Pax tibi.

Deinde finitis *Antiphona*, et *Psalmo*, ac factis crucibus prædictis, Pontifex stans, deposita mitra, dicit:

OREMUS

Omnipotens sempiterne Deus, qui ante arcum fœderis per clangorem tubarum, muros lapideos, quibus adversantium cingebatur exercitus, cadere fecisti; tu hoc tintinnabulum cœlesti bene ☧ dictione perfunde; ut ante sonitum ejus longius effugentur ignita jacula inimici, percussio fulminum, impetus lapidum, læsio tempestatum; ut ad interrogationem propheticam: Quid est tibi mare, quod fugisti? suis motibus cum Jordanico retroactis respondeant: A

(1) Si hay más de una campana, véase el decreto puesto arriba.

facie Domini mota est terra: a facie Dei Jacob, qui convertit petram in stagna aquarum et rupem in fontes aquarum. Non ergo nobis, Domine, non nobis, sed Domini tuo da gloriam, super misericordia tua: ut cum præsens vasculum, sicut reliqua altaris vasa, sacro Chrismate tangitur Oleo sancto unctionis, quicunque ad sonitum ejus convenerint, ab omnibus inimici tentationibus liberi, semper fidei Catholicæ documenta sectentur. Per Dominum nostrum Jesum Christum Filium tuum, qui tecum vivit et regnat in unitate Spiritus Sancti Deus, per omnia sæcula sæculorum. R. Amen.

Tum sedet Pontifex, et accepta mitra, imponit in thuribulo thymiam, thus, et myrram, si haberí possunt, alioquin, quæ ex ipsis habentur: quibus impositis, thuribulum ipsum supponitur Campanæ, seu signo, (1) ut totum fumum recipiat, schola interim cantante *Antiphonam*, ton. 8.

Deus in sancto via tua: quis Deus magnus, sicut Deus noster?

Psalmus 76

Viderunt te aquæ, Deus. viderunt te aquæ: * et timuerunt, et turbatæ sunt abyssi.

Multitudo sonitus aquarum: * vocem dederunt nubes.

Etenim sagittæ tuæ transeunt: * vox tonitrui tui in rota.

Illuxerunt coruscationes suæ orbi terræ: * commota est, et contremuit terra.

In mari via tua, et semitæ tuæ in aquis multis: * et vestigia tua non cognoscentur.

Deduxisti sicut oves populum tuum: * in manu Moysi, et Aaron.

Gloria Patri, etc. Sicut erat, etc.

Quibus dictis, deposita mitra, surgit Pontifex, et dicit:

OREMUS

Omnipotens dominator, Christe, quo secundum carnis assumptionem dormiente in navi, dum abor-

(1) Véase el decreto arriba inserto.

ta tempestas mare conturbasset, te protinus excitato et imperante dissiluit, tu necessitatibus populi tui benignus succure; tu hoc tintinnabulum. Sancti Spiritus rore perfunde; ut ante sonitum illius semper fugiat bonorum inimicus; invitetur ad fidem populus christianus; hostilis terreatur exercitus; confortetur in Domino per illud populus tuus convocatus; ac sicut Davidica cithara delectatus desuper descendat Spiritus Sanctus; atque ut Samuele agnum lactentem mactante in holocaustum Regis æterni imperii, fragor aurarum turbam repulit adversantium, ita dum hujus vasculi sonitus transit per nubila, Ecclesiæ tuæ conventum manus conservet Angelica, fruges credentium, mentes et corpora salvet protectio sempiterna. Per te, Christe Jesu, qui cum Deo Patre vivis, et regnas in unitate ejusdem Spiritus Sancti Deus per omnia sæcula sæculorum. R. Amen.

Demum Diaconus sacris vestibus albis coloris paratus dicit:

v. Dominus vobiscum. R. Et cum spiritu tuo.

☒ Sequentia sancti Evangelii secundum Lucam.

Caput 10.

In illo tempore: Intravit Jesus in quoddam casellum: et mulier quædam, Martha nomine, exceptit illum in domum suam, et huic erat soror nomine Maria, quæ etiam sedens secus pedes Domini, audiebat verbum illius. Martha autem satagebat circa frequens ministerium; quæ stetit, et ait: Domine, non est tibi curæ quod soror mea reliquit me solam ministrare? Dic ergo illi, ut me adjuvet. Et respondens, dixit illi Dominus: Martha, Martha, sollicita es, et turbaris erga plurima. Porro unum est necessarium: Maria optimam partem elegit, quæ non auferetur ab ea.

Finito Evangelio, Pontifex osculatur librum Evangeliorum per unum ex Ministris sibi porrectum. Tum producit super Campanam benedictam signum Crucis, et reassumpta mitra, discedens revertitur ad locum, ubi paramenta accepit, in quo dimissis sacris vestibus, vadit in pace.

BENEDICTIO TELEGRAPHI

160. Clerus vel a proximiori Ecclesia vel ab alio aliquo loco ad hoc parato, procedat usque ad stationem Telegraphi. canendo vel recitando Canticum: Benedictus Dominus Deus Israel. 202, cum Gloria Patri.

Ibi Episcopus vel Sacerdos in aliqua ecclesiastica dignitate constitutus, intonabit Antiphonam:

Antiphona. Benedictus es, Domine, qui ponis nubem ascensum tuum: qui ambulas super pennis ventorum, qui facis angelos tuos spiritus, et ministros tuos ignem urentem.

Post eam.

Psalmus 103

Benedic, anima mea, Domino: * Domine Deus meus, magnificatus es vehementer.

Confessionem et decorem induisti: * amictus lumine sicut vestimento.

Extendens cœlum sicut pellem: * qui tegis aquis superiora ejus.

Qui ponis nubem ascensum tuum: * qui ambulas super pennis ventorum.

Qui facis angelos tuos, spiritus: * et ministros tuos, ignes urentem.

Qui fundasti terram super stabilitatem suam: * non inclinabitur in sæculum sæculi.

Abyssus, sicut vestimentum, amictus ejus: * super montes stabunt aquæ.

Ab increpatione tua fugient: * a voce tonitrui tui formidabant.

Ascendunt montes, et descendunt campi: * in locum quem fundasti eis.

Terminum posuisti, quem non transgrediuntur: * neque convertentur operire terram.

Qui emittis fontes in convallibus: * inter medium montium pertransibunt aquæ.

Potabunt omnes bestiæ agri; expectabunt onagri in siti sua.

Super ea volucres cœli habitabunt; de medio petraru[m] dabunt voces.

Rigans montes de superioribus suis: * de fructu operum tuorum satiabitur terra.

Producens fœnum jumentis: * et herbam servitū hominum.

Ut educas panem de terra. * et vinum lætitiefet cor hominis.

Ut exhilaret faciem in oleo, * et panis cor hominis confirmet.

Saturabuntur ligna campi, et cedri Libani, quas plantavit: * illic passeress nidificabunt.

Herodii domus dux est eorum: * montes excelsi cervis, petra refugium herinaciis.

Fecit lunam in tempora: * sol cognovit occasum suum.

Posuisti tenebras, et facta est nox: * in ipsa pertransibunt omnes bestiæ silvæ.

Catuli leonum rugientes, ut rapiant, * et quærrunt a Deo escam sibi.

Ortus est sol, et congregati sunt: * et in cubilibus suis collocabuntur.

Exhibit homo ad opus suum, * et ad operationem suam usque ad vesperum.

Quam magnifica sunt opera tua, Domine, * omnia in sapientia fecisti: impleta est terra possessio[n]e tua.

Hoc mare magnum, et spatiosum manibus: * illuc reptilia, quorum non est numerus.

Animalia pusilla cum magnis: * illic naves pertransibunt.

Draco iste, quem formasti ad illudendum ei: * omnia a te exspectant, ut des illis escam in tempore.

Dante te illis, colligent: * aperiente te manum tuam, omnia implebuntur bonitate.

Avertente autem te faciem turbabuntur: * auferes spiritum eorum, et deficient, et in pulverem suum revertentur.

Emittes spiritum tuum, et creabuntur: * et renovabis faciem terræ.

Sit gloria Domini in sæculum: * læbitur Dominus in operibus suis.

Qui respicit terram, et facit eam tremere: * qui tangit montes, et fumigant.

Cantabo Domino in vita mea: * psallam Deo meo, quamdiu sum.

Jucundum sit ei eloquium meum: * ego vero delectabor in Domino.

Deficiant peccatores a terra, et iniqui, ita ut non sint: * benedic, anima mea, Domino.

Gloria Patri. Sicut erat.

Ac repetita Antiphona, incipiet in hunc modum Be[n]edictionem.

¶. Adjutorium nostrum in nomine Domini.

¶. Qui fecit cœlum et terram.

¶. Dominus vobiscum. ¶. Et cum spiritu tuo.

OREMUS

Concede nos famulos tuos, quæsumus, Domine Deus, perpetua mentis, et corporis sanitatem gaudere, et gloriosa beatæ Mariæ semper Virginis intercessione, a præsenti liberari tristitia, et æterna perfriu[er]ia. Per Christum Dominum nostrum. ¶. Amen.

OREMUS

Deus, qui ambulas super pennas ventorum, et facis mirabilia solus: concede, ut cum per vim huic metallo inditam fulmineo ictu celerius huc absentia et hinc alio præsentia transmittis: ita nos inventis novis edocti, tua gratia opitulante, promptius et facilius ad te venire valeamus. Per Christum Dominum nostrum. ¶. Amen.

Deinde aspergit Telegraphum aqua benedicta.

BENEDICTIO VIÆ FERRERÆ ET CURRUM

161. Clerus, vel a proximiori Ecclesia, vel ab aliquo alio loco ad hoc parato, procedat usque ad stationem Viae ferreae, canendo vel recitando:

Antiphona. In viam pacis et prosperitatis dirigat nos omnipotens et misericors Dominus: et Angelus Raphael comitetur nobiscum in via, ut cum pace, salute, et gaudio revertamur ad propria.

Cant. Benedictus Dominus Deus, ut supra pag. 202.
Ibi Episcopus vel Sacerdos in aliqua ecclesiastica dignitate constitutus, repetita Antiphona, intonabit.

Kyrie, eleison. Christe, eleison. Kyrie, eleison.
Pater noster, *secreto*.

- ℣. Et ne nos inducas in temptationem.
℟. Sed libera nos a malo.
℣. Salvos fac servos tuos.
℟. Deus meus, sperantes in te.
℣. Mitte nobis, Domine, auxilium de sancto.
℟. Et de Sion tuere nos.
℣. Esto nobis, Domine, turris fortitudinis.
℟. A facie inimici.
℣. Nihil proficiat inimicus in nobis.
℟. Et filius iniquitatis non apponat nocere nobis.
℣. Benedictus Dominus die quotidie.
℟. Prosperum iter faciat nobis Deus salutarium nostrorum.
℣. Vias tuas, Domine, demonstra nobis.
℟. Et semitas tuas edoce nos.
℣. Utinam dirigantur viæ nostræ.
℟. Ad custodiendas justificationes tuas.
℣. Erunt prava in directa. ℣. Et aspera in vias planas.
℣. Angelis suis Deus mandavit de te.
℟. Ut costodian te in omnibus viis tuis.
℣. Adjutorium nostrum in nomine Domini.
℟. Qui fecit cœlum et terram.
℣. Domine exaudi orationem meam.
℟. Et clamor meus ad te veniat.
℣. Dominus vobiscum. ℟. Et cum spiritu tuo.

Oratio. Omnipotens sempiterne Deus, etc. Propitiare Domine, ut in pag. 263.

Deinde adspergit viam et currus aqua benedicta.

Post utramque Benedictionem dicitur Te Deum, cum Oratione Deus cuius misericordiæ, pag. 358.

BENEDICTIO MACHINÆ AD EXCITANDAM LUCEM
ELECTRICAM

Clerus a proximiore Ecclesia vel ab aliquo alio loco ad hoc parato procedat usque ad stationem ma-

chinae benedicendæ canendo vel recitando Canticum:
Benedictus Dominus Deus Israël ut supra, pag. 202.

Gloria Patri. Sicut erat.
Ibi Episcopus vel Sacerdos in aliqua ecclesiastica dignitate constitutus intonabit.

Ant. Lux orta est justo: rectis corde lætitia.

Psalmus 96.

Dominus regnavit, exultet terra: * Lætentur insulae multæ.

Nubes, et caligo in circuitu ejus: * justitia, et judicium correctio sedis ejus.

Ignis ante ipsum præcedet, * et inflammabit in circuitu inimicos ejus.

Illuxerunt fulgura ejus orbi terræ: * vidit et commota est terra.

Montes, sicut cera fluxerunt a facie Domini: * a facie Domini omnis terra.

Annuntiaverunt cœli justitiam ejus: * et videbunt omnes populi gloriam ejus.

Confundantur omnes, qui adorant sculptilia; * et qui gloriantur in simulacris suis.

Adorate eum omnes Angeli ejus: * audivit, et lætata est Sion.

Et exultaverunt filiæ Judæ, * propter judicia tua Domine:

Quoniam tu Dominus Altissimus super omnem terram: * nimis exaltatus es super omnes deos.

Qui diligitis Dominum, odite malum: * custodit Dominus animas sanctorum suorum, de manu peccatoris liberabit eos.

Lux orta est justo, * et rectis corde lætitia.
Lætamini justi in Domino: * et confitemini memorie sanctificationis ejus.

Gloria Patri.

Ac repetita Antiphona dicet:

- ℣. Adjutorium nostrum in nomine Domini.
℟. Qui fecit cœlum et terram.
℣. Domine, exaudi orationem meam.
℟. Et clamor meus ad te veniat.
℣. Dominus vobiscum. ℟. Et cum spiritu tuo.